

## OBAVJEŠTENJE

### O ČUVANJU BIOLOŠKIH UZORAKA I IZOLATA DNK

U izvršavanju svojih funkcija, ICMP obrađuje velike količine podataka o nestalim osobama i njihovim porodicama, uključujući osjetljive lične podatke, kao što su biološki uzorci i izolati DNK.

Na takve podatke ICMP primjenjuje stroge mjere zaštite. ICMP naročito ne koristi lične podatke u bilo koje svrhe osim onih za koje su ti podaci dati. ICMP takve lične podatke ne zadržava duže nego što je neophodno da se te svrhe postignu.

U junu 2014. godine, ICMP je usvojio revidirani Pravilnik o čuvanju u kojem se, između ostalog, precizira koliko dugo će ICMP čuvati biološke uzorke i izolate DNK. Shodno tome, ICMP će biološke uzorke (npr. uzorke krvi koje su dali srodnici nestalih) i izolate DNK čuvati 5 godina:

- ako su izvještaji o podudaranju DNK za te uzorke izdati, i
- ako nema drugih prijavljenih nestalih osoba koji bi se mogli identificirati korištenjem tih uzorka ili izolata DNK.

Revidirani Pravilnik o čuvanju primjenjuje se na sve biološke uzorke koje ICMP trenutno ima. Čuvanje uzoraka i izolata DNK određeno vrijeme nakon što je izrađen izvještaj o podudaranju DNK je korisno jer dozvoljava mogućnost ponovnog razmatranja slučaja, ako se za tim pojavi potreba. Međutim, nije ni neophodno niti potrebno uzorke i izolate DNK čuvati na neodređeno vrijeme. Upravo zato, srodnici koji su prijavili nestale osobe i dali ICMP-u referentne DNK uzorke mogu očekivati da će se njihovi biološki uzorci uništiti početkom aprila 2015. godine, pod sljedećim uslovima:

- da je ICMP izdao izvještaje o podudaranju DNK za sve prijavljene nestale osobe za koje su dati uzorci, i
- da je proteklo 5 godina nakon što je ICMP izdao ove izvještaje o podudaranju DNK.

Ako je, npr., referentni uzorak DNK dat 2001. godine, a dvije su osobe prijavljene kao nestale, ICMP će uništiti referentni uzorak pod uslovom da su do aprila 2010. godine obje nestale osobe locirane i identificirane uz pomoć referentnog uzorka. Ako je do tog datuma samo jedna osoba locirana i identificirana, a druga, npr., tek 2014. godine, ICMP će takav referentni uzorak uništiti u aprilu 2020. godine.

ICMP će nastaviti čuvati evidenciju izvještaja o podudaranju DNK i drugih naučnih podataka koji predstavljaju osnov takvih izvještaja. ICMP neće takve podatke davati trećim osobama u bilo koje svrhe, osim ako ne postoji eksplicitna saglasnost onih kojih se ti podaci tiču.

Srodnici koji su prijavili nestale osobe i ICMP-u dali lične podatke, uključujući i referentne uzorke DNK, mogu svoje podatke i referentne uzorke povući u bilo kojem trenutku prije izdavanja izvještaja o podudaranju DNK na osnovu njihovih podataka. Povlačenje ličnih podataka može značiti da nestale osobe, neće biti pronađene, niti identificirane.

ICMP-ov PRAVILNIK O ČUVANJU PODATAKA, EVIDENCIJE I FIZIČKIH DOKAZA dostupan je [ovdje](#).

ICMP-ov PRAVILNIK O OBRADI I ZAŠTITI LIČNIH PODATAKA dostupan je [ovdje](#).